

Aruba ta haya otro Psychologisch Adviesbureau

ORANJESTAD (AAN): Dia 8 di januari 2001 Psychologisch Adviesbureau Linkels & Van Wilgen lo habri su portanan aki na Aruba den Sun Plaza Shopping Mall situa na L.G. Smith Boulevard 160. E compania aki ya ta activo na Korsow, Boneiro y St. Maarten.

Linkels & Van Wilgen ta tene su mes bezig cu entre otro pasamentu di testnan psicologico, cursonan y conse-

Salud di Ministro Watty Vos aworaki ta den "Estado Tres"

ORANJESTAD (AAN): Diabierna 5 di januari ultimo Ministro di Salubridad Publico, sr. dr. Ike Posner durante un Press Briefing a informa miembronan di prensa presente encuanto e estado di salud di su colega ministro sr. Edgar Joaquin (Watty) Vos.

Ministro Ike posner a splica cu na e momentonan aki senior Vos ta na Houston den presencia di su senjora, y familiaran serca, mientras cu su yiunan a sali for di Miami rumbo pa Aruba diabierna 5 di januari ultimo. E estado di salud actual ta uno cu ta ser categorisa den mundo medico como estado tres.

Ministro Posner a bisa cu esaki kiermeen cu nan no ta dunando sr. Watty Vos ningun tratamiento mas pa haci su bida confortabel pa motibo cu esaki ya no ta necesario. Pero ta dunele un chance pa e mes por hala rosea pa asina ey e mes por sobrevivir su estado di salud. E ta ainda den intensive care e ta hayando cierto remedinan pa dolor yaalgun otro remedi pa e no haya miedo, pues pa tenele rustig. E tin un machine ainda cu docternan na Houston ta bezig ta "bouwaf", esta pa hala rosea. Sinembargo mester bisa cu e ta sigui critico y hopi instabil, agonisando den su dilaster fase di su bida.

Finalmente Ministro Posner a expresa cu semper nos mester tin fe den Dios cu Dios lo tuma e decision cue ta kere cu ta mas mihor y pa loke ta trata speranza riba tereno medico sigur pa loke ta trata e docternan na Houston esaki ta masha scur mes.



honan riba e terreno di recurso humano. Pa loke ta trata nan cursonan, Linkels & Van Wilgen ta traha huntu cu Leidse Onderwijsinstellingen (LOI) y Kluwer Opleidingen di Hulanda.

Segun psicologo drs. Harald Linkels, un di e fundadornan di e compania di consulta aki Linkels & Van Wilgen ta mira hopi posibilidad na Aruba. "Nos ke trese cursonan di alta calidad pa hendenan cu ta traha caba

segun Linkels. "Ta nos experiencia na Aruba cu en general trahadornan ta hopi motiva pa sigui progresa den nan trabow. Pa e motibo ey bo ta haya cu hopi hende tin interes pa sigui curso pa asina por haya mas conocimentu di cierto materia. Segun Linkels na Aruba cursistanan en general ta exigente pa loke ta trata calidad di curso. Linkels ta kere cu e trabownan di ambos Aruba Quality Foundation y AMTI a yuda hende

bira consciente di e importancia di calidad.

Como directora di Linkels & Van Wilgen Aruba a keda nombra Mariska de Kort-Werleman cu pa hopi anja a traha na Buro Arends. E lo worde asisti door di Jeanine Solagnier, cu tambe a traha na Buro Arends pa basta anja. Segun Mariska de Kort e pakete di curso di Linkels & Van Wilgen lo ta atractivo pa hopi hende. "Nos ta dedica hopi atencion na e calidad di nos cursonan" segun de Kort. "Pa nos ta masha importante tambe pa tuma e tempo pa guia e hende pa e scohe e estudio cu ta correcto pa e hende particular ey. Tambe ta asina cu nos ta traha mas tanto posibel cu instancianan externo pa pasa e examennan cu ta mara na nos cursonan. Asina nos por garantiza cu e cursista ta haya un diploma reconoci den su man nan final di su estudio". Aparte di cursonan na Hulandes Linkels & Van Wilgen lo ofrece tambe diferente curso na Papiamentu y Ingles. Segun de Kort ta trece dilante Papiamentu ta nos idioma y hende

na Aruba ta aprecia masha pa por sigui un curso den nan propio idioma.

Jeanine Solagnier lo ta encarga mas tanto cu e parti di e testnan psicologico. Segun Solagnier Linkels & Van Wilgen tin un pakete di testnan moderno y confiabel. Asina por haci evaluacionnan psicologico pa nivelnan di trabow mas abou te cu e nivelnan di mas halto. Pa nivelnan di trabow mas halto Linkels & Van Wilgen por haci un asina yama Assessment Center Procedure cu ta worde pidi hopi pa funcionnan mas halto manera riba nivel di directie of funcionnan halto den gobierno.

Linkels & Van Wilgen Aruba tin su propio website na www.llww.com y e ta contene diferente informashon tocante curso y otro servicionan cu e compania aki ta ofrece. Nan ta alcansabel tambe via email riba adres: aruba@llww.com.

Riba e potret: Jeanine Solagnier (man robez) y Mariska de Kort (man drechi) di Linkels & Van Wilgen Aruba.

WHAT GOES AROUND COMES AROUND!!

